

東院司徒孟春甲子醮

伏以大道開光玄元垂化氣分五緯五帝操代謝之權節布三元三官主死生之錄由是百神受職品物知歸寒暑推遷成歲功而明罪福支干配合統人事而定吉凶今古攸遵應靈無爽巨叨承玄蔭獲佐昌時福過災生每切持盈之戒才輕任重惟虔報國之誠今者候及上元序新六甲考校當天官之首司明值甲子之初屬此令辰恭修大醮敢期玄聖俯鑒丹誠臣某伏念身遠庭闈禮遙溫清今茲迎侍尚阻江山况隴峽繁紆江波濤險惟憑神力冀保長途伏惟五帝高尊三官大聖六十甲子應感威神俯迴盼鑒之靈特降昭彰之祐使輕舟利涉萬里無虞靡勞涉此之吟速遂絲衣之養俾諸懇願敢負明恩誓勤嚴奉之誠永答真靈之祐不任歸命披心禱祝析恩激切之至謹詞

刁子趙太尉陽平化醮詞

伏以至道分光仙曹列品上浮辰曜下結名山包洞府以深嚴推雲霞而秀異潛符邦國

大庇生靈統錄人天主張命籍除災降福有感必通臣獲奉聖明叨榮爵秩總領戎伍慙無韓白之功部握魚符愧乏龔黃之政常虞盈滿以致災哀早營丹心歸依玄教傳修經錄宗仰真靈所願國祚延洪聖壽遐永萬方

一統四海會同臣某削落災危彌銷罪咎六親蒙福九祖生天祿算惟增功名克著普虔忠孝永表休明庶期修勸之心上副具仙之祐恭修醮酌庶達明誠不任歸命虔析之至謹詞

廣成集卷之十六

廣成集卷之十七

毀五

宣醮鶴鳴拈栢再生醮詞

惟彼仙山真茲南土雄盤厚地秀拱宮星控綿洛之川原總岷峨之形勝巖巒捧日洞府棲具連空之松檜扶疎千載之威靈肅穆果聞祥異願此福庭垂至陽生化之功爨栢栢凋摧之質柔條迥茂灑瑞露以飄香密葉重榮動晴風而裊翠神仙幽贊宗社福招叶比玄休永茲楨既是用精嚴醮祝仰答真靈凝心宣室之中翹想雲峯之外所冀華夷昭泰海嶽晏安稼穡滋豐氣埃蕩定永期祗奉以副玄私稽首謹詞

李忠順司徒拜保護章詞

臣聞道用無方神功不測隨機應念惟感必通正一垂文傳寶章而按物盟威立訓陳醮品以濟民粵自古先達于茲日惠覃願瞻澤普天人臣某夙荷玄慈獲逢聖日天波浩蕩人爵優私懸無經濟之能深慮寵勞之極况居司戎任出鎮魚符或賞酬乖喜惡之宜刑

律有重輕之失俗懷咨怨民抱傷嗟有一於斯式彰譴咎又恐五行三命運值災象暗曜明星或當臨照或經過水陸侵觸龍神或土木興修犯于禁忌或前寬往債或故殺誤傷動結罪條兼逢厄會致成疾恙彌切兢憂竊惟大道好生至真設教著祈禳之典開懺謝之門是敢虔備壇場精修章醮拜天悔過瀝懇希恩伏惟三境高尊諸天大聖降流慈施憫鑒塵微勅天府地司遍陰曹陽境解消災厄原赦罪尤削落凶衰和平寬債蠲除疾苦安鎮魂神六氣均調百關宣暢易短促之數賜延永之齡萬罪千災咸遂超度普虔修勵仰奉真靈臣某不任謝罪祈恩披心請命之至謹詞

東院司徒郡夫人某氏醮詞

伏聞大道垂科玄真設教正一有祈恩之品河圖有謝過之文虔告尊靈必賜昭鑒某氏以風叨靈貺推質人寰祗荷恩麻常深戒懼近者忽嬰疾恙未獲痊平竊恐復行立身措情屬念有違誤之過有抵觸之非或結疊流

殃有所延注或明星暗曜有所照臨構此災纏未蒙消解旦夕憂懼罔敢違寧又以身宮之中當土曜行度命當危迫誠切告祈是敢遵按明科虔修大醮伏惟三寶上聖九曜尊神垂固極之慈降護持之力賜某氏解消災厄和釋冤仇延續年齡增加祚祿使百疾痊愈六氣均調蕩滌凶衰蠲除罪咎永期修奉上答玄恩不任謝罪祈真虔誠請命激切之至謹詞

東院司徒某公醮天羅詞

臣聞賦祿稟形資於造化延生保命繫彼神功至有三命興衰五行代謝星躔經歷卦象吉凶苟逢厄會之期必示修禳之旨是則玄真慈俗大道好生垂法濟人有感斯應三天正一寶章宣致福之儀太玄河圖醮品啓移災之旨古今遵奉拯護尤多臣叨荷靈休躬逢昭代恩榮隆異名分超逾拊已循懷每切器盈之戒誓心効力常思福過之虞今則大運猶住成鄉小運仍當亥位今年之內併值天羅竊慮衆念屬心率成疊答積生往世宿

有愆瑕雖切秉修寧無違誤又暗曜行於辰分火星在於身宮况寵極才微功輕位重恐貽災滯深積兢憂是敢故按玄經肅恭丹懇精修醮禮拜奏章文謝過九天祈恩衆聖伏冀真靈鑒省渥澤滂流詔天境地司勅陽官陰府赦罪尤於既往蕩衰於將來消宿曜之災解天羅之厄豐延祚祿增益年齡得度忠孝之誠永贊聖明之化普勸砥礪上副玄慈不任歸命之至

田崇謙盧昭又受六甲籙詞

伏以至化將行玄文肇著五千垂教六甲開圖首於虞舜之朝傳自姬周之代修於內則凝真及一駕日月而躡煙霄行於外則保國寧民康品彙而豐萬宇為法之本歷代所尊臣等獲賴玄符况逢皇運具風廣被妙旨遐宣願遂崇修永期遵守允當嘉節虔露明誠伏惟元聖融慈衆真流鑒成其懇願降以威光使存注感通功行圓就九玄開度積過蠲消福善俟臻壽年增益濟人佐國弘道宣經永揚清靜之風克果希夷之道不任歸命之

至謹詞

范延煦等受正一籙詞

伏以正一南宮紫陽玉殿秘陽華之真籙絨
飛化之靈圖下可以制禦完妖宣和氣序上
可以轄寧區宇朝會神仙保國安人古今攸
禦臣獲逢聖日咸沐道風早振氛氲俱棲羽
獨願期參受克勵焚修伏惟衆聖私慈俾諧
宗尚衣履履斗契九天飛步之蹤佐世立功
成大造化時之劫炷香拜手歸命祈真翹望
玄恩不任激切之至謹詞

王謙修醮拜章詞

伏聞河圖寶典垂醮品以濟人正一明科顯
章文而助化俱宣道要廣福生靈巨獲奉玄
門叨參秘籙而焚修每闕過咎旋彰主務在
公動多梅香或詳評獄訟賞刑有爽於重輕
訓撫師徒沮勸有虧於申令捫心省己夙夜
增憂非伏玄功無門懺謝又五月之末土火
將入於身官以此憂惶志希權救今則精嚴
信幣求乞章文伏惟太上衆尊三天化主垂
大慈之澤降罔極之恩命天官吏兵休職祐

護賜臣罪瑕除蕩寬債和平九曜迴臨照之
災三命息刑銜之厄克獲貞言常遵章通普
度焚炷之誠上答尊靈之祐不任

刁子宗勉太尉謁靈池朱真人洞詞

伏聞生成妙道弘大救以度人不宰玄功有
慈風而及物隨迎塵滯拯護無遺由是青簡
丹篇繼著登真之品幽關夜府亦該鍊化之
仁薪火傳明古今攸普某身遠景運名造真
乘每度焚祝之心潛希道力冀啓延洪之福
上答君恩期常勵於丹襟屬念早來於玄
籙懇切徒切景仰何階伏惟仙若道遠冥鴻
壽逾遼鶴指三山而高舉莫認雲程越累歲
而暫歸想悲塵世某慙虛教之末跡瞻若士
之遐蹤歷懇齋心燃香拜手佇迴真鑒俯伏
玄波俾於修學之中少達希微之趣推誠律
己永酬君父之慈見素全真願奉神仙之躡
不任

大傅相公修醮符醮詞

伏聞至道垂科正一啓醮祈之品河圖著訓
太玄開懺謝之門蓋所以拯護人倫恢弘法

力息麻廣被今古仗宗且運偶昌期叨膺重
寄雖竭誠而報國未効涓埃懼福過以災隨
因罹疾疹今則黑符飛化五入中宮本祿納
音為災尤重是敢實心玄極稽首清壇未備
香燈虔申醮祝伏惟玄元降鑒五帝宣慈勅
九宮貴神命三官曹屬解消厄運和釋冤仇
蕩滌罪瑕增延祿算使百關調豫久疾痊平
普傾忠孝之心冀啓聖明之澤永遵妙道仰
副玄慈不任

洋州令公宗慶宅陳國夫人某氏拜

章設九曜詞

伏聞天地萬靈陰陽庶品資元和而覆育稟
道氣以生成三命五行是定吉凶之數南宮
北府爰司罪福之文善惡無遺錙銖不爽况
復三元遷易九曜躡移示謫降祥影隨響答
得不兢懷悚惕敬奠靈某氏以上土火二星
行於午地既當命位仍在身官小運丑中沉
為六害大運戌上又值墓鄉大運則午命稍
衰小運則王祿初薄以茲憂懼恐復災期是
敢精勵丹誠歸依玄象遵拜章之典式稽首

三天備祈禱之物儀馳心九曜伏惟至真憫
祐衆聖垂恩赦往歲之罪瑕解積生之冤債
消年災厄拯度凶衣延益壽年增加祿祚充
蒙覆護常賜安員永來靈真華勤修敬不任
歸命虔祈之至

泮州令公宗慶生日南斗照詞

伏聞列曜凝光耀天垂象南昌上府生錄是
司致福流祥潛資邦國河圖秘戒式明瞻敬
之文正一靈科亦備存修之旨敢披玄訓虔
罄素誠臣夙荷洪休躬逢景運便蕃寵澤踐
歷恩榮無濟時匡國之功叨相印兵符之重
獨懷震惕難酬造化之私誓志恪恭冀答君
親之德但勤砥礪敢息初終是以報就生辰
精修應禮仰丹臺而稽首望玄極而冥心靈
炷騰煙期達九清之上良宵効懇願通六聖
之前賜日災滯蠲消冤仇和釋增加祿祚延
益年齡敢已往之過尤介將來之禎福元玄
昇度舉族康寧普慶尊奉之誠永副真靈之
祐不任歸命虔祈之至

青城山丈人殿功畢安土地醮詞

伏聞混元既判融結分形惟彼岷山廣吞西
微壓三江而作鎮冠五嶽以居尊窟宅神仙
舍藏洞府層峯疊嶽捧日月於雲間積翠堆
嵐隔塵埃於人世闢天國而其靈雜集厥成
都而芝朮駢羅是曰福庭統茲形勝希夷具
君道成上古名重高真軒帝南巡賞辰師資
之禮明皇西幸仍加崇飾之功敬豐祠於炎
漢之年旌懿號於中和之日每彰休應丕祐
寰區頃者躬拂煙蘿仰瞻羽衛祥容在目寤
寐寧忘近以闕闕層樓風凋雨漬歲華暗賈
頹朽可虞爰命慧進大師行其度木鳩工成
茲大壯飛甍耀景碧霄排空四垣之圖像如
新重檻之階陛不改爰復正寢永播玄休俾
天地山川神明職秩常加禎祝大庇蒸黎驚
暴不侵沴瘴無作稼穡蕃稔風雨以時是穹
觀壁合珠連奕夏觀文修武偃邊烽靜息妖
孽滅平車書佇混於萬方正朔期同於九有
生靈蒙福宗社永昌式勤蘋藻之儀常奉馨
香之薦遣廣成先生杜光庭度修大醮昭謝
真靈遐望雲軒仰希玄鑒謹詞

宣齋往青城安復真靈醮詞

蓋聞天設神墟地開仙府真靈是宅幽顯攸
專握羣靈之紀綱司萬方之休否雲峯霞觀
歷代所崇垂旒庇人古今受賜頃者以遠披
蘿薛躬造軒庭仰堂宇之威容觀四垣之儀
衛光靈如在翹屬常深遂命圖繪神榮鋪舒
內殿朝燃玉穗夕備銀缸橋折蓋切於生民
注念非關於秘祝欽惟不昧必鑒斯誠今則
山觀之中已加興葺鼎新殿宇別命焚修既
無羣雜之虞益有清嚴之致是用特申應禮
精具告陳謁請真靈復還仙觀覽靈鶴譽優
游松月之鄉蕙郁蘭芬滿灑虛無之路永安
真域丕祐邦家自茲寰海之民常模尻洪之
福不任祝望之至謹詞

廣成集卷之十七